

YON_ HK'A^ AW_ LAWN

1. G'UI_ SHA AW_ LAWN

1. G'ui_ sha te^ g'a^ ceh ti_ co co tai_ tai_ caw_ cheh^ leh Yaw^ leh_ te^ ceu_ le le hta_ hpan_ leh u_ peun_ nyi ha_ sha_ sheh_ hpa^ hpeh_ yo_ teh_ nga_ hui yon_ ve yo_. G'ui_ sha leh_, te^ ceu_ le le a keh_ da_ keh_ ja^ leh sheh^ g'a^ te^ g'a^ ti_ ve G'ui_ sha hpeh_ ve yo_. **“Aw_ pa G'ui_ sha, Ya^ hpu G'ui_ sha leh da_ ve keh_ ve Aw_ ha hpu G'ui_ sha hpeh_ ve yo_.”** teh_, Li_ hpu hk'aw hpeu_ ma_ la^ ta_ ve hta_ nga_ hui yon_ ve yo_.

(Hkui_ 1:1-31, Ok' 19:2, Bon 6:4-5, Isy 5:16, 6:1-7, 40:18-31, Mt 3:16-17, 28:19-20, Yh 14:6-17, 1Kaw_ 8:6, 2Kaw_ 13:14, Glt. 4:4-6, Efs. 2:13-18)

2. YE_ SU^ HKRI_ AW_ LAWN

2. Ye_ su^ Hkri_ leh_, sheh^ g'a^ te^ g'a^ ti_ hpeh_ ve G'ui_ sha aw_ hk'aw lo nyi^ g'a^ te^ g'a^ hpeh_ leh Yaw^ leh_ aw_ pa G'ui_ sha geh te^ geh co co tai_ tai_ u_ peun_ cheh^ ve yo_ teh_ nga_ hui yon_ ve yo_. Da_ keh_ ve ya^ mi^ ha_ Ma_ ri^ aw_ hk'o^ lo da_ ve keh_ ve Aw_ ha hpu ya_ la leh Ye_ su^ Hkri_ paw la ve hta_ nga_ hui yon_ ve yo_. Ye_ su^ hkri_ leh_ Yaw^ te^ g'a^ ceh ti_ G'ui_ sha ka_ hpeh leh chaw ya^ ka_ hpeh_ ve yo_.

Yaw^ leh_ nga_ hui mi_ gui_ chaw ya^ ve ven^ ba^ aw_ pon hkan_ suh leh sheh^ nyi te^ nyi ga_ hta^ k'aw_ te_ tu la ve yo_. Leh, mvuh^ naw ma_ hk'o^ lo ta^ k'o_-e leh nga_ hui aw_ pon Aw_ pa G'ui_ sha geh lo hk'a_ hta^ ka_ law_ hkaw_ la^ tcuh_ ta_ ve yo_ teh_ nga_ hui yon_ ve yo_.

(Mt. 1:20-25, 16:15-16, Lk. 1:26-35, Yh. 1:1-18, Hpi^ 2:5-11, Kaw^ 1:12-22, 1Ti^ 6:14-16, Heb. 1:1-5, 7:22-28, 9:24-28, 1Yh. 1:1-3, 4:2-3,15)

3. AW_ HA HPU AW_ LAWN

3. Aw_ ha hpu leh_, sheh^ te^ g'a^ te^ g'a^ ti_ hpeh_ ve G'ui_ sha aw_ hk'aw lo, sheh^ g'a^ te^ g'a^ hpeh_ leh Yaw^ leh_, Hkri_ ya^ aw_ mo_ hk'aw lo cheh^ leh hk'a_ hta^ ka_ kan_ te cheh^ ve yo_ teh_ nga_ hui yon_ ve yo_.

Yaw^ leh_, ven^ ba^ aw_ lawn ma^ k'o^, hte^ ve caw^ ve aw_ lawn ma^ k'o^, mi_ gui_ ya^ hui hta_ hk'a taw_ leh^ hpeu_ ma_ pi^ leh nyi ma daw^ hpfuh^ tu_ ma^ k'o^, da_ la keh_ la tu_ ma^ k'o^ te la^ cheh^ ve yo_ teh_ nga_ hui yon_ ve yo_.

(Yh. 7:39, 14:15-18, 16:7-15, Tc 2:33, 15:8-9, Rm. 8:1-27, Glt. 3:1-14, Efs. 3:14-21, 1Hte^ 4:7-8, 2Hte^ 2:13, 1Pe_ 1:2, 1Yh. 3:24, 4:13)

4. LI_ HPU AW_ LAWN

4. Li_ hpu leh_, Tcuh ka_ pa_ te^ hpa_ hta_ da_ keh_ ve Aw_ ha hpu daw^ pawn_ pi^ leh bvuh_ ta_ ve yo_ teh_ nga_ hui yon_ ve yo_. Li_ hpu aw_ pi_ leh Li_ hpu aw_ suh^ hk'a peu-e_ leh_, 66 k'o^ caw_ ve yo_ teh_ nga_ hui yon_ ve yo_. Htai_ hk'aw_ ve hta_ ca_ da_ ve aw_ lawn leh nga_ hui aw_ hk'aw lo G'ui_ sha ve la lo_ hk'a_ hk'e caw_ ve

aw, lawn Li, hpu aw, hk'aw lo hpeu, ma, la' ta, ve yo. Chi hta, pa taw, Da, keh, ve Li, hpu aw, hk'aw lo ma' bvuh, ta, ve aw, ceu, te' hpa, hta, nga, hui yu, veu la' leh nga, hui ve yon, tcuh' yon, hk'a' te ma' hpeh.

(Lk. 24:44-47, Yh. 10:35, 1Kaw⁻ 15:3-4, 2Ti⁺ 3:15-17, 1Pe. 1:10-12, 2Pe. 1:20-21)

5. VEN' BA^ AW, LAWN

5. Ven' ba^ mi, gui, hk'o^ lo lo, la ve leh, A, dan, leh E' va, ma' na yu, ve pa taw, yaw' nyi' g'a' geh aw⁻ law⁻ tan, caw, la ta, ve yo. Leh, ven' ba^ o' ve hta, pa taw, ya, nyi chaw ya' te' g'a' le le suh ve hta, g'a hkan, ve yo, teh, nga, hui yon, ve yo. Ven' ba^ leh, 2 ceu, caw, ve hta, nga, hui yon, ve yo.

5.1. A, dan, E' va, geh caw, la ve aw, hkui⁻ pui, ve ven' ba^ hpeh, ve yo. Aw, hkui⁻ pui, ve ven' ba^ chi leh, chaw ya' te' g'a' le le tan, paw la hta' ka, caw, ta, ve ven' ba^ hpeh, ve yo. Chi hta, pa taw, da, keh, ve chaw te' g'a' ka, ma' caw. Ven' ba^ ya' ve nyi ma leh, hk'a, hta' ka, G'ui, sha hta, hpfuh' ga' ve yo. Htai, hk'aw^ ve hta, g'a peu, k'o^ htaw', ven' ba^ ya' ve nyi ma leh, chaw ya' aw, hk'aw lo caw, cheh' she, ve yo. Ven' ba^ ya' ve nyi ma chi leh, da, keh, ve Aw, ha hpu ceh ti' tsuh' hpu tsuh' keh, la' g'a ve yo, teh, nga, hui yon, ve yo.

5.2. Aw, hkui⁻ pui, ve ven' ba^ chi leh, A shu yaw' aw, to te ya, cheh' ve ven' ba^ hta, peun da, ve yo. Aw, hkui⁻ pui, ve ven' ba^ leh, G'ui, sha ma' daw' pawn, pi' ve ceh ceh k'o, pon, tu, te ma' g'a. Ya, hk'a', da, keh, ve Aw, ha hpu hta, leu' yu, leh yaw' tsuh' hpu tsuh' keh, la' ve hta, ha, yu, ve k'o, aw, hkui⁻ pui, ve ven' ba^ chi hta, g'a pon, tu, yo. Da, keh, ve Aw, ha hpu hta, ma' leu' yu, ma' ha, yu, ve k'o, aw, hkui⁻ pui, ve ven' ba^ hta, pon, ma' g'a ve yo, teh, nga, hui yon, ve yo.

5.3 A shu yaw' aw, to te ya, cheh' ve ven' ba^ chi leh, G'ui, sha ve aw, li' taw' hkaw' hta, shi, htaw' ma' na yu, leh te ya, ve hta, k'o^ ve yo. Ven' ba^ chi leh, aw, hkui⁻ pui, hta', A, dan, leh E' va' geh lo caw, la ta, ve ven' ba^ hta, ma' ca' da, ve yo. A shu yaw' aw, to te ya, ve ven' ba^ leh, G'ui, sha ve aw, li' taw' hkaw' hta, ma' na yu, ga' ve nyi ma' k'o^, ha, pehn' ve aw, li' hta, te ya, ve ma' k'o^, leun' leh Ye, su' hkri, hta, ma' yon, ve chi te' hpa, hpeh, ve yo.

(Aw, hkui⁻ pui, ve ven' ba^ hta, ca' da, ve li, hpu : Hkui⁻ 3:1-24, Yb. 15:14, Chi⁻ 51:5, Yrm. 17:9-10, Mk. 7:21-32, Rm. 1:18-25, 5:12-14, 7:1-9, 1Kaw⁻ 3:1-4, Glt. 5:16-25, 1Yh. 1:7-8)

(A shu yaw' aw, to te ya, ve ven' ba^ hta, ca' da, ve li, hpu : Mt. 22:36-40, 1Yh. 3:4, Yh. 8:34-36, 16:8-9, Rm. 3:23, 6:15-23, 8:14-24, 14:23, 1Yh. 1:9, 2:4, 3:7-10)

6. VEN' BA^ TSUH' BA, LA' VE AW, LAWN

6. Ye, su' Hkri, leh, chaw ya' hta, ven' ba^ aw, hk'aw lo hta, hk'aw, pi' tu, aw, pon, yaw' ve aw, to g'a tu, g'a hkan, ve yo, teh, nga, hui yon, ve yo. Htai, hk'aw, ve chi hta, ca' da, ve leh, Ye, su' hkri, la, ka hk'o^ lo hkan, suh leh Yaw' ve aw, suh, she' ya, la ve te' hk'a' ceh ti' caw, ve yo. O' ve leh, A, dan, ve aw, ceu, aw, hk'a' aw, hk'aw lo la, ta, ve ven' ba^ hk'a' peu-e, hta, Ye, su' hkri, tsuh' ba, la' ve te' ceu, hpeh, ve yo. Ven' ba^ hta, ma' shi, ve ya' eh' te' hpa, hta, ma' k'o^, hk'a' deh, ma' bi' ma' law, ve chaw hui te' hpa, hta, ma' k'o^, ven' ba^ tsuh' ba, la' ve pa

taw, hta_l- hk'aw_l ve aw_l bon hta_l g'a hpeh_l ve yo_l. Ya_l hk'a_l, a sha_l ga_l la leh da_l ve leh ma_l da_l ve hta_l fui_l- da_l peh_l da_l g'a peu_l ve chaw hk'a peu-e_l hta_l- hk'aw_l ve aw_l bon hta_l g'a tu_l aw_l pon nyi ma g'a daw_l hpfuh_l leh Ye_l- su_l hkri_l hta_l g'a yon_l ve yo_l teh_l nga_l hui yon_l ve yo_l.

(Isy. 53:5-6, Mk. 10:45, Lk. 24:46-48, Yh. 1:29, 3:14-17, Tc. 4:10-12, Rm. 3:21-26, 4:17-25, 5:6-21, 1Kaw_l 6:20, 2Kaw_l 5:14-21, Glt. 1:3-4, 3:13-14, Kaw_l 1:19-23, 1Ti_l 2:3-6, Tt. 2:11-14, Hb. 2:9, 9:11-14, 13:12, 1Pe_l- 1:18-21, 2:19-25, 1Yh. 2:1-2)

7. AW_l LAW_l- PEU_l LA_l VE AW_l BON AW_l LAWN

7. G'ui_l sha leh_l, Yaw_l ve aw_l ho_l aw_l han hta_l shu_l- da_l ve mi_l gui_l chaw ya_l hta_l te hpan_l- leh da_l ve ma_l da_l ve hta_l leu_l yu_l tguh ve yo_l teh_l nga_l hui yon_l ve yo_l. Ya_l hk'a_l, mi_l gui_l chaw ya_l leh_l a shu yaw_l ve a lo_l- hta_l te tu_l leu_l yu_l leh G'ui_l sha ve taw_l hkaw_l hta_l ma_l na yu_l ve pa taw, G'ui_l sha hta_l g'a hpa_l da_l k'ai ve yo_l. Ya_l hk'a_l, G'ui_l sha leh_l mi_l gui_l chaw ya_l hta_l ha_l ja_l ve pa taw, **Ye_l- su_l hkri_l aw_l hk'aw lo te_l g'a_l le le hta_l yaw_l ve aw_l bon a hk'e le_l pe_l la_l ve yo_l**. Chi hta_l pa taw, mi_l gui_l ya_l te_l g'a_l le le ven_l ba_l g'a pon_l tu_l aw_l pon Ye_l- su_l hkri_l hta_l yon_l leh da_l ve kan_l hta_l ceh ti_l te tu_l G'ui_l sha a lo_l- caw_l ve yo_l. Chi hk'o_l ka_l hta_l- hk'aw_l ve hta_l g'a peu_l ve chaw ma_l k'o_l,

da_l keh_l ve Aw_l ha hpu aw_l hk'aw lo da_l la keh_l la peu_l ve chaw ma_l k'o_l, G'ui_l sha ve taw_l hkaw_l hta_l hk'a_l hta_l ka_l na yu_l leh da_l ve kan_l hta_l ceh ti_l te caw_l ve yo_l teh_l nga_l hui yon_l ve yo_l. G'ui_l sha hta_l hpfuh_l leh Ye_l- su_l hkri_l hta_l yon_l ve ba_l ta_l ve chaw htaw_l, ven_l ba_l k'aw_l daw_l hpfuh_l leh G'ui_l sha geh k'aw_l la hpeh_l ve yo_l teh_l nga_l hui yon_l ve yo_l. Ya_l hk'a_l, ven_l ba_l daw_l hpfuh_l ve aw_l ceu_l ma_l caw_l k'o_l, co ti_l ha ti_l htaw_l meh_l k'ai g'a ve yo_l teh_l nga_l hui yon_l ve yo_l.

(G'ui_l sha hta_l shu_l- da_l ve chaw hui da_l ve ma_l da_l ve hta_l g'a fui_l- peh_l da_l caw_l ve aw_l lawn hta_l ca_l- da_l ve Li_l hpu : Hkui_l 1:26-27, 2:16-17, Bon 28:1-2, 30:19, Ys. 24:15, Chi_l 8:3-5, Isy 1:8-10, Yrm. 31:29-30, Ysk 18:1-4, Mhk. 6:8, Rm. 1:19-20, 2:1-16, 14:7-12, Glt. 6:7-8)

(Mi_l gui_l chaw ya_l aw_l lawn hta_l ca_l- da_l ve Li_l hpu : Yb. 14:4, 15:14, Chi_l 14:1-4, 51:5, Yh. 3:6-17, Rm. 3:10-12, 5:12-14, 7:14-25)

(Yon_l ve leh a hk'e le_l g'a ve aw_l bon aw_l shin_l- aw_l lawn hta_l ca_l- da_l ve Li_l hpu : Ysk 18:25-26, Yh. 1:12-13, Tc. 5:31, Rm. 5:6-8, 6:15-16, 23, 10:6-8, 11:22, 1Kaw_l 2:9-14, 10:1-12, 2Kaw_l 5:18-19, Glt. 5:6, Efs. 2:8-10, Hpi_l 2:12-13, Kaw_l 1:21-23, 2Ti_l 4:10, Tt. 2:11-14, Hb. 2:1-3, 3:12-15, 6:4-6, 10:26-31, Yk. 2:18-22, 2Pe_l- 1:10-11, 2:20-22)

8. VEN_l BA_l DAW_l HPFUH_l VE AW_l LAWN

8. Ven_l ba_l daw_l hpfuh_l ve leh_l aw_l teh_l aw_l na nyi ma g'a pa ve te_l ceu_l hpeh_l ve yo_l teh_l nga_l hui yon_l ve yo_l. **Ven_l ba_l daw_l hpfuh_l ve hta_l ca_l- da_l leh sheh_l ceu_l caw_l ve yo_l**. (1). Ven_l ba_l ya_l te_l g'a_l le le a shu yaw_l ve ven_l ba_l hta_l pa taw, nyi ma aw_l taw_l hk'a ga_l daw_l ha_l ga_l ha_l ve g'a caw_l ve yo_l. (2). Ven_l ba_l ya_l te_l g'a_l le le a shu yaw_l ve ven_l ba_l G'ui_l sha hta_l g'a hpeh_l ma_l tu_l lo_l ve yo_l. (3). Ven_l ba_l ya_l te_l g'a_l le le a shu yaw_l ve ven_l ba_l daw_l hpfuh_l

leh G'ui_l sha ve taw_l hkaw_l hta_l g'a na yu_l ve yo_l. Ven_l ba_l hta_l daw_l hpfuh_l tu_l sheh k'ai sheh_l hpa_l leh_l, da_l keh_l ve Aw_l ha hpu hpeh_l ve yo_l teh_l nga_l hui yon_l ve yo_l.

Ven[˘] ba[˘] daw[˘] hpfuh[˘] peu_˘ hk'aw_˘ naw[˘] G'ui_˘ sha leh_˘ ven[˘] ba[˘] hta_˘ pon_˘ la[˘] leh, Ye_˘ su[˘] hkri_˘ aw_˘ hk'aw lo chaw aw_˘ suh k'aw_˘ hpeh_˘ la ve yo_˘ teh_˘ nga_˘ hui yon_˘ ve yo_˘.

(2Jm. 7:14, Chi[˘] 32:5-6, 51:1-17, Isy. 55:6-7, Yrm. 3:12-14, Ysk. 18:30-32, 33:14-16, Mk. 1:14-15, Lk. 3:1-14, 13:1-5, 18:9-14, Tc. 2:38, 3:19, 5:31, 17:30-31, 26:16-18, Rm.2:4, 2Kaw[˘] 7:8-11, 1Hte[˘] 1:9, 2 Pe_˘ 3:9)

9. HTE[˘] VE CAW[˘] VE, K'AW_˘ PAW LA VE, LEH G'UI_˘ SHA YA[˘] K'AW_˘ HPEH_˘ LA VE AW_˘ LAWN

9. Ye_˘ su[˘] hkri_˘ hta_˘ hk'a yon_˘ ve chaw leh yaw[˘] hta_˘ Jaw[˘] maw[˘] htai_˘ hk'aw_˘ sheh_˘ hpa[˘] yo_˘ teh_˘ hk'a ku_˘ ve chaw hui hta_˘ ven[˘] ba[˘] hpeh[˘] pi[˘] leh hte[˘] ve caw[˘] ve chaw shaw_˘ la[˘] ve yo_˘ teh_˘ nga_˘ hui yon_˘ ve yo_˘. Hte[˘] ve caw[˘] ve chi leh_˘ chaw ya[˘] te la[˘] g'a ve ma[˘] he[˘]. G'ui_˘ sha ceh ti[˘] te g'a ve aw_˘ ceu_˘ hpeh_˘ ve yo_˘ teh_˘ nga_˘ hui yon_˘ ve yo_˘.

10. Chaw aw_˘ suh[˘] hpeh_˘ la tu_˘, Aw_˘ ha hpu aw_˘ hk'aw lo g'a paw la ve yo_˘. Aw_˘ ha hpu aw_˘ hk'aw lo paw la peu_˘ hk'aw_˘ naw[˘], G'ui_˘ sha nga_˘ hui hta_˘ nyi ma aw_˘ suh[˘] pe_˘ la[˘] ve yo_˘ teh_˘ nga_˘ hui yon_˘ ve yo_˘. Chaw aw_˘ suh[˘] hpeh_˘ la peu_˘ hk'aw_˘ naw[˘], G'ui_˘ sha hta_˘ yon_˘ ve, ha_˘ pehn[˘] ve te[˘] ceu_˘ leh G'ui_˘ sha ve taw[˘] hkaw[˘] hta_˘ na yu_˘ pui[˘] ve te[˘] ceu_˘ g'a caw_˘ ve yo_˘ teh_˘ nga_˘ hui yon_˘ ve yo_˘.

11. G'ui_˘ sha ve aw_˘ ya[˘] aw_˘ du_˘ hpeh_˘ la tu_˘ aw_˘ pon, G'ui_˘ sha yaw[˘] te la[˘] cheh[˘] ve yo_˘. Hte[˘] ve caw[˘] ve chaw leh_˘ Aw_˘ ha hpu aw_˘ hk'aw lo g'a k'aw_˘ paw la ve yo_˘ teh_˘ nga_˘ hui yon_˘ ve yo_˘.

12. Hte[˘] ve caw[˘] ve, Aw_˘ ha hpu aw_˘ hk'aw lo k'aw_˘ paw la ve, leh G'ui_˘ sha ya[˘] hpeh_˘ la ve chi sheh[˘] ceu_˘ leh_˘, te[˘] paw[˘] ti[˘] te[˘] geh hpeh_˘ la ve yo_˘ teh_˘ nga_˘ hui yon_˘ ve yo_˘. Chi hk'a peu_˘ ce_˘ leh_˘ ven[˘] ba[˘] daw[˘] hpfuh[˘] leh G'ui_˘ sha hta_˘ yon_˘ ve aw_˘ hk'aw lo hpeh_˘ la leh G'ui_˘ sha ve aw_˘ bon chi hta_˘ da_˘ keh_˘ ve Aw_˘ ha hpu sha[˘] hki[˘] hkan_˘ sheh_˘ hpa[˘] hpeh_˘ ve yo_˘ teh_˘ nga_˘ hui yon_˘ ve yo_˘.

(Lk 18:14, Yh. 1:12-13, 3:3-8, 5:24, Tc. 13:39, Rm. 1:17, 3:21-26, 4:5-9, 17-25, 5:1, 16-19, 6:4, 7:6, 8:1, 15-17, 1Kaw[˘] 1:30, 6:11, 2Kaw[˘] 5:17-51, Glt 2:16-21, 3:1-14, 4:4-7, Efs 1:6-7, 2:1-5, Hpi[˘] 3:3-9, Kaw[˘] 2:13, Tt. 3:4-7, 1Pe_˘ 1:23, 1Yh. 1:9, 3:1-2, 4:7, 5:9-13, 18)

10. DA_˘ LA KEH_˘ LA VE AW_˘ LAWN

G'ui_˘ sha mi_˘ gui_˘ chaw ya[˘] ve nyi ma hta_˘ tsuh[˘] hpu tsuh[˘] keh_˘ peu_˘ ve te[˘] yan[˘], chaw o[˘] ve leh_˘ da_˘ la keh_˘ la peu_˘ ve chaw te[˘] g'a[˘] hpeh_˘ ve yo_˘ teh_˘ nga_˘ hui yon_˘ ve yo_˘. Chi leh_˘ Aw_˘ ha hpu aw_˘ hk'aw lo te[˘] paw[˘] k'aw_˘ paw la ve hta_˘ ca[˘] da_˘ ve yo_˘. Da_˘ la keh_˘ la peu_˘ ve chaw te[˘] g'a[˘] le le G'ui_˘ sha hta_˘ ha_˘ leh a shu yaw[˘] aw_˘ to G'ui_˘ sha hta_˘ chi[˘] a_˘ peu_˘ ve chaw te[˘] g'a[˘] g'a[˘] hpeh_˘ ve yo_˘ teh_˘ nga_˘ hui yon_˘ ve yo_˘.

Da_˘ la keh_˘ la peu_˘ ve chaw hui ve nyi ma aw_˘ hk'aw lo caw_˘ ve ven[˘] ba[˘] hk'a peu_˘ ce_˘ hta_˘ da_˘ keh_˘ ve w_˘ ha hpu tsuh[˘] hpu tsuh[˘] keh_˘ peu_˘ hk'aw_˘ naw[˘], da_˘ keh_˘ ve Aw_˘ ha hpu leh_˘ chaw ya[˘] nyi ma hta_˘ u[˘] peun_˘ la leh, da_˘ ja[˘] ve G'ui_˘ sha kan[˘] te tu_˘ aw_˘ pon kan[˘] pa[˘] leh aw_˘ g'a[˘] aw_˘ sha[˘] pi[˘] la[˘] ve yo_˘ teh_˘ nga_˘ hui yon_˘ ve yo_˘.

Da_˘ la keh_˘ la peu_˘ ve chi leh_˘ Ye_˘ su[˘] hkri_˘ ve aw_˘ suh_˘ hta_˘ pa taw hpeh_˘ la ve yo_˘. G'ui_˘ sha hta_˘ yon_˘ leh a shu yaw[˘] aw_˘ to G'ui_˘ sha hta_˘ chi[˘] a_˘ peu_˘ ve hta_˘ sha[˘]

hki[^] hkan_ sheh_ hpa[^] leh_~, da_~ keh_~ ve Aw_~ ha hpu hpeh_~ ve yo_~ teh_~ nga_~ hui yon_~ ve yo_~.

Li_~ hpu aw_~ hk'aw lo da_~ la keh_~ la peu_~ ve hta_~ ca⁻ da_~ leh aw_~ ka_~ aw_~ nu lai⁻ hkaw[^] caw_~ ve yo_~. “Nyi ma hpu ve keh_~ ve” (Mt. 5:9) leh “Aw_~ ha hpu aw_~ hk'aw lo ba[^] ti[^] sa_~ hkan_~ ve” (Tcuh. 1:5) leh “Da_~ ve keh_~ ve Hkri_~ ya[^]” (1Pe. 1:15-16, 2:9) leh “Ha_~ pehn[^] ve bi[^] la peu_~” (1Yh. 4:17-18) (13.)

14. Da_~ la keh_~ la peu_~ ve Hkri_~ ya[^] te[^] g'a[^] le le hta_~ da_~ keh_~ ve Aw_~ ha hpu te[^] caw_~ ha⁻ da_~ pi[^] keh_~ pi[^] ve yo_~ teh_~ nga_~ hui yon_~ ve yo_~. Chi hk'o[^] ka_~, Hkri_~ ya[^] te[^] g'a[^] le le G'ui_~ sha taw[^] hkaw[^] hta_~ hk'a bi[^] hk'a law_~ na yu_~ leh te[^] nyi a keh⁻ te[^] nyi Hkri_~ hta_~ g'a shu_~ da_~ ve yo_~.

Chi hk'e hpeh_~ la ve chaw hta_~ G'ui_~ sha ve aw_~ bon aw_~ hk'aw lo ui_~ la ye_~ la ve Hkri_~ ya[^] hpeh_~ ve hta_~ nga_~ hui shi_~ hpeh_~ ve yo_~. Hkri_~ ya[^] te[^] g'a[^] le le G'ui_~ sha aw_~ bon aw_~ hk'aw lo ui_~ la ye_~ la ga[^] ve yo_~. Ya_~ hk'a[^], G'ui_~ sha ve taw[^] hkaw[^] hta_~ ma[^] na yu_~ leh sha_~ ti_~ ma[^] te ve k'o, Hkri_~ aw_~ hk'aw lo da_~ la keh_~ la peu_~ ve k'o[^] htaw[^], co ha meh⁻ k'ai tu_~ yo_~ teh_~ nga_~ hui yon_~ ve yo_~.

(Yrm 31:31-34, Ysk 36:25-27, Ml 3:2-3, Mt 3:11-12, Lk 3:16-17, Yh 7:37-39, 14:15-23, 17:6-20, Tc 1:5, 2:1-4, 15:8-9, Rm 6:11-13, 8:1-4, 8-14, 12:1-2, 2K 6:14, 7:1, Glt 2:20, 5:16-25, Ef 3:14-21, 5:17-18, 25-27, Hpi⁻ 3:10-15, Kaw[^] 3:1-17, 1Hte[^] 5:23-24, Hb 4:9-11, 10:10-17, 12:1-2, 13:12, 1Yh 1:7-9)

(Ha_~ pehn[^] ve leh Hkri_~ aw_~ hk'aw lo bi[^] la ve aw_~ lawn hta_~ ca⁻ da_~ ve Li_~ hpu : Bon 30:6, Mt 5:43-48, 22:37-40, Rm 12:9-21, 13:8-10, 1K 13:1-13, Hpi⁻ 3:10-15, Hb 6:1, 1Yh 4:17-18)

(Nyi ma hk'aw hpu ve keh_~ ve chaw aw_~ lawn hta_~ ca⁻ da_~ ve Li_~ hpu : Mt 5:8, Tc 15:8-9, 1Pt 1:22, 1Yh 3:3)

(Aw_~ ha hpu aw_~ hk'aw lo ba[^] ti[^] sa_~ hkan_~ ve aw_~ lawn hta_~ ca⁻ da_~ ve Li_~ hpu : Yrm 31:31-34, Ysk 36:25-27, Ml 3:2-3, Mt 3:11-12, Lk 3:16-17, Tc 1:5, 2:1-4, 15:8-9)

(Hkri_~ ve aw_~ bon hk'a bi[^] caw_~ ve chaw aw_~ lawn hta_~ ca⁻ da_~ ve Li_~ hpu : Rm 15:29)

(Da_~ ve keh_~ ve Hkri_~ ya[^] aw_~ lawn hta_~ ca⁻ da_~ ve Li_~ hpu : Mt 5:1-7, 7:29, Yh 15:1-11, Rm 12:1, 15:3, 2K 7:1, Ef 4:17, 5:20, Hpi⁻ 1:9-11, 3:12-15, Kaw[^] 2:20, 3:17, 1Hte[^] 3:13, 4:7-8, 5:23, 2Ti[^] 2:19-22, Hb 10:19-25, 12:14, 13:20-21, 1Pt 1:15-16, 2Pt 1:1-11, 3:18, Yd 20-21)

11. HKRI_~ AW_~ MO_~ AW_~ LAWN

15. Ye_~ su[^] Hkri_~ leh_~ Jaw[^] maw[^] hpeh_~ ve yo_~ teh_~ hk'a hkan_~ yu_~ peu_~ ve chaw leh_~, Hkri_~ ve aw_~ mo_~ ya[^] hpeh_~ ve yo_~ teh_~ nga_~ hui yon_~ ve yo_~. Yaw[^] hui leh_~ Ye_~ su[^] hkri_~ aw_~ hk'aw lo ka_~ ti_~ sha⁻ ca⁻ caw_~ ve aw_~ mo_~ hpeh_~ ve yo_~ teh_~ nga_~ hui yon_~ ve yo_~. G'ui_~ sha ve taw[^] hkaw[^] hta_~ cu[^] leh da_~ ve keh_~ ve Aw_~ ha hpu ku_~ yu_~ peu_~ ve chaw hui leh_~, Ye_~ su[^] hkri_~ geh aw_~ to te[^] to ti⁻ hpeh_~ peu_~ ve yo_~ teh_~ nga_~ hui yon_~ ve yo_~. Hkri_~ ya[^] aw_~ mo_~ te tu_~ ve kan⁻ te[^] hpa_~ Ye_~ su[^] hkri_~ pi[^] ta⁻ la[^] ve kan⁻ lai⁻ ceu_~ caw_~ ve yo_~ teh_~ nga_~ hui yon_~ ve yo_~. Hkri_~ ya[^] aw_~ mo_~ leh_~ G'ui_~ sha hta_~ aw_~ chaw[^] te da_~ ve hk'e, te[^] g'a[^] le le hta_~ aw_~ chaw g'a te da_~ ve yo_~. Hkri_~ ya[^] aw_~ mo_~ leh_~, Li_~ hpu hta_~ cu[^] leh bon ma_~ ve aw_~ hk'aw lo G'ui_~ sha hta_~ o⁻ k'o_~ pui leh bon law_~ ve aw_~ hk'aw lo te[^] geh hpawn_~ da_~ ve te[^] ceu_~ hta_~ ka_~ g'a te ve yo_~. **(Hb. 10:19-25)** Hkri_~ ya[^] aw_~ mo_~ leh_~, i[^] ka[^] tu_~ ve leh paweh[^] cao_~ ca[^] ve kan⁻ chi hta_~

hk'a_u hta[^] ka_u g'a te cheh[~] ve yo_u. Hkri_u ya[~] aw_u mo_u leh_u, G'ui_u sha aw_u pon kan⁻ te ve aw_u hk'aw lo shu hta_u g'a ga pi[~] ve yo_u. Hkri_u ya[~] aw_u mo_u leh_u, G'ui_u sha ve taw[~] hkaw[~] hta_u na yu_u leh Hkri_u ve aw_u bon aw_u hk'aw lo shu hta_u ui_u la bi[~] la tu_u aw_u pon, g'a ga da_u ve yo_u teh_u nga_u hui yon_u ve yo_u.

Hkri_u ya[~] aw_u mo_u leh_u, Ye_u su[^] hkri_u sha_u ta⁻ la[~] ve kan⁻ hta_u ca⁻ da_u leh g'a te k'ai caw[~] ve yo_u. Hkri_u ve kan⁻ chi hta_u te tu_u ve aw_u g'a[~] leh_u, da_u ve keh_u ve Aw_u ha hpu hta_u g'a cu[~] ve yo_u teh_u nga_u hui yon_u ve yo_u. Bon ma_u ve aw_u hk'aw lo ma[~] k'o[^], shu hta_u g'a ga da_u ve aw_u hk'aw lo ma[~] k'o[^], Leh Hkri_u ya[~] te[~] g'a[~] le le da_u keh_u ve aw_u hk'aw lo a sha_u te_u cheh[~] leh yaw[~] aw_u pon kan⁻ g'a te cheh[~] ve yo_u teh_u nga_u hui yon_u ve yo_u.

Hkri_u ya[~] aw_u mo_u leh_u mi_u gui_u chi hk'o[^] lo lai⁻ mo_u caw_u leh ui_u ve Hkri_u ya[~] aw_u mo_u leh i ve Hkri_u ya[~] aw_u mo_u htaw[~] caw_u ve yo_u. Hkri_u ya[~] aw_u mo_u aw_u hk'aw lo G'ui_u sha pon kan⁻ te sheh_u hpa[~] te[~] hpa_u hta_u yaw[~] ku_u yu_u ve yo_u teh_u nga_u hui yon_u ve yo_u. Chi hta_u pa taw, G'ui_u sha leh_u Hkri_u ya[~] aw_u mo_u hta_u ku_u yu_u leh yaw[~] u⁻ peun_u ve aw_u haw⁻ lo cheh[~] leh Ye_u su[^] hkri_u te[~] paw[^] k'aw_u ya_u la tu_u ve hta_u daw[~] law ve aw_u hk'aw lo kan⁻ lai⁻ ceu_u te k'ai tcuh ve yo_u teh_u nga_u hui yon_u ve yo_u.

(Taw[^] 19:3, Yrm 31:33, Mt 8:11, 10:7, 16:13-19, 18:15-20, 28:19-20, Yh 17:14-26, 20:21-23, Tc 1:7-8, 2:32-47, 6:1-2, 13:1, 14:23, Rm 2:28-29, 4:16, 10:9-15, 11:13-32, 12:1-8, 15:1-3, 1K 3:5-9, 7:17, 11:1, 17-33, 12:3, 12-31, 14:26-40, 2K 5:11, 6:1, Glt 5:6, 13-14, 6:1-5, Ef 4:1-17, 5:25-27, Hpi⁻ 2:1-16, 1Hte[~] 4:1-12, 1Ti[^] 4:13, Hb 10:19-25, 1Pt 1:1-2, 13, 2:4-12, 21, 4:1-2, 10-11, 1Yh 4:17, Yd 24, Hpeu_u 5:9-10)

12. I⁻ KA[^] TU_u VE AW_u LAWN

16. Hkri_u ya[~] hui i⁻ ka[^] tu_u leh_u Ye_u su[^] hkri_u taw[~] pi[~] ta⁻ la[~] ve te[~] ceu_u hpeh_u leh Da_u keh_u ja[~] ve Hkri_u ya[~] hui ve bon li[~] shin⁻ li[~] te[~] ma_u htaw[~] hpeh_u ve yo_u. Hkri_u ya[~] hui i⁻ ka[^] tu_u ve leh_u Ye_u su[^] hkri_u nga_u hui aw_u pon la_u ka hk'o[^] lo hkan_u suh ve hta_u yon_u leh hkan_u yu_u ve aw_u he[^] te[~] ceu_u ka_u hpeh_u ve yo_u. Da_u ve keh_u ve bi[~] la tu_u aw_u pon Ye_u su[^] hkri_u hta_u yon_u leh na yu_u ve chaw hta_u ceh ti⁻ i⁻ ka[^] g'a tu_u pi[~] ve yo_u teh_u nga_u hui yon_u ve yo_u.

Hkri_u ya[~] hui i⁻ ka[^] tu_u ve leh_u, ka ti_u sha⁻ ca[^] aw_u suh⁻ hpeh_u ve hta_u hkan_u yu_u ve aw_u he[^] ka_u hpeh_u ve yo_u teh_u nga_u hui yon_u ve yo_u. Ya[~] eh⁻ te[~] hpa_u htaw[~], aw_u paw aw_u e ma[~] k'o[^], ha_u sha⁻ sheh_u hpa[~] ma[~] k'o[^], htaw[^] hkan_u pa_u caw_u ve k'o[^], i⁻ ka[^] tu_u pi[~] hpeh_u ve yo_u teh_u nga_u hui yon_u ve yo_u. Ya_u hk'a[~], htaw[^] hkan_u sheh_u hpa[~] leh_u ya[~] eh⁻ hta_u Ye_u su[^] hkri_u aw_u lawn ma_u pi[~] tu_u aw_u pon ka ti_u g'a caw_u ta_u ve yo_u.

Hkri_u ya[~] hui i⁻ ka[^] tu_u ve aw_u li[~] chi leh_u, i⁻ ka[^] hpeh_u ve aw_u mo_u ma[~] k'o[^], i⁻ ka[^] ngeu_u pfuh_u ve aw_u mo_u ma[~] k'o[^], leh i⁻ ka[^] tu_u ve aw_u mo_u ma[~] k'o[^] nga_u hui ma[~] fui_u ma[~] peh_u ve yo_u.

(Mt 3:1-7, 28:16-20, Tc 2:37-41, 8:35-39, 10:44-48, 16:29-39, 19:1-6, Rm 6:3-4, Glt 3:26-28, Kaw[~] 2:12, 1Pt 3:18-22)

13. PAWEH[~] CAO_u CA[~] VE AW_u LAWN

17. Paweh[~] cao_u ca[~] ve leh_u, Ye_u su[^] hkri_u te ta⁻ la[~] ve paweh[~] hpeh_u leh Yaw[~] hta_u daw[~] naw[~] tu_u Li_u hpu aw_u suh⁻ aw_u hk'aw lo a ye[~] ui_u ve bon li[~] shin⁻ li[~] hpeh_u ve yo_u teh_u nga_u hui yon_u ve yo_u. Paweh[~] cao_u ca[~] ve leh_u, Ye_u su[^] hkri_u la_u ka hk'o[^] lo nga_u hui ve ven[~] ba[^] aw_u pon hkan_u suh ve hta_u daw[~] naw[~] tu_u aw_u pon, Yaw[~] suh ve

hta, pa taw nga, hui htai, hk'aw, ve hta, g'a leh Yaw' aw, hk'aw lo a sha, aw, suh' g'a ve hta, daw' naw' tu, aw, pon, leh co ha hpaw' lo aw, bon aw, shin' Ye, su' hkri, nga, hui hta, pi' la' ve ka ti, sha' ca' hta, daw' naw' tu, aw, pon hpeh, ve yo, teh, nga, hui yon, ve yo.

Paweh' chi aw, hk'aw lo Hkri, ya' te' g'a' le le yaw' yan ve aw, hk'aw lo g'a lo, -e leh Hkri, nga, hui aw, pon suh ve hta, daw' naw' leh yaw' te' paw' k'aw, ya, la tu, ve hta, hpeu, ma, pi' cheh' ve te' ceu, hpeh, ve yo, teh, nga, hui yon, ve yo. Ye, su' hkri, hta, daw' naw' ve paweh' hpeh, ve pa taw, Yaw' hta, yon, leh Hkri, ya' aw, mo, hta, ha, ve chaw ceh ti' paweh' chi te' ma, aw, hk'aw lo lo, -e hpeh, ve yo.

(Taw' 12:1-14, Mt 26:26-29, Mk 14:22-25, Lk 22:17-20, Yh 6:28-58, 1K 10:14-21, 11:23-32)

14. CHAW NA, AW, PON BON LAW, VE AW, LAWN

18. Na, ve gaw, ve chaw aw, pon yon, leh bon law, pi' ve k'o, Li, hpu hk'aw k'o' ta, ve hk'a shu, G'ui, sha gu nai pi' g'a ve yo, teh, nga, hui yon, ve yo. Na, ve gaw, ve chaw aw, pon G'ui, sha geh bon law, leh na' tsuh' te' hpa, htaw' yeh' hpeh, ve yo, teh, nga, hui yon, ve yo.

(2Jm 5:1-19, Chi' 103:1-5, Mt 4:23-24, 9:18-35, Yh 4:46-54, Tc 5:12-16, 9:32-42, 14:8-15, 1K 12:4-11, 2K 12:7-10, Yk 5:13-16)

15. YE, SU' NYI' PAW' TE' PAW' K'AW, YA, LA TU, VE AW, LAWN

19. Ye, su' hkri, leh, nyi' paw' te' paw' k'aw, ya, la tu, yo, teh, nga, hui yon, ve yo. Yaw' k'aw, ya, la hta', Ye, su' hkri, aw, hk'aw lo suh k'ai peu, ve chaw hui aw' law' k'aw, te, tu la tu, yo, teh, nga, hui yon, ve yo. Peu, hk'aw, naw' Hkri, hta, yon, leh a sha, te, cheh' she, ve nga, hui te' hpa, leh, mvuh' hpe lo Jaw' maw' Ye, su' hkri, hta, g'a hpu' da, leh chaw o' ve te' hpa, hta, htaw' g'a maw, da, tu, yo. Hk'e te leh Jaw' maw' Ye, su' hkri, geh te' geh nga, hui g'a cheh' tu, yo, teh, nga, hui yon, ve yo.

(Mt 25:31-46, Yh 14:1-3, Tc 1:9-11, Hpi' 3:20-21, 1Hte' 4:13-18, Tit 2:11-14, Hb 9:24-28, 2Pt 3:5-15, Hpeu, 1:7-8, 22:7-20)

16. K'AW, TE, TU LA VE, SUH' JEH, VE, LEH AW, LEH MEU' VE AW, LAWN

20. Aw, leh meu' ve te' nyi ga, k'o, G'ui, sha leh, hte' ve chaw leh ma' hte' ve chaw hta, te' geh k'aw, te, tu la pi' leh yaw' hui a shu yaw' aw, to leh co ha pawn' da, peu, hk'aw, naw', suh' jeh, ve hta, g'a hkan, tu, yo, teh, nga, hui yon, ve yo. Hte' ve caw' ve chaw k'o co ti, ha ti, hta, g'a tu, aw, pon k'aw, te, tu la leh ma' hte' ma' caw' ve chaw k'o ci, yan, tu, aw, pon k'aw, te, tu, la ve yo, teh, nga, hui yon, ve yo.

21. Aw, leh meu' ve te' nyi ga, k'o, chaw ceu, hk'a peu-e, G'ui, sha ve meh' g'u' suh, lo hu' ta, leh, suh' jeh, suh' ta' ve hta, g'a hkan, tu, yo, teh, nga, hui yon, ve yo. Leh mi, gui, hk'o' lo a sha, te, cheh' hta' a shu yaw' te, ta, ve kan' hta, nyi leh suh' jeh, tu, yo, teh, nga, hui yon, ve yo.

22. Jaw^ˇ maw^ˇ Ye₋ su[^] ve taw^ˇ hkaw^ˇ hta_^ yon₋ leh na yu₋ ve chaw hui leh₋, co co tai₋ tai₋ ve a sha_^ hta_^ g'a tu₋ yo₋. Ya_^ hk'a^ˇ ma^ˇ yon₋ ve chaw hui leh₋, mo₋ na[^] ho_^ aw₋ hk'aw lo co co tai₋ tai₋ ci₋ yan₋ ve hta_^ g'a hkan₋ tu₋ yo₋ teh_^ nga₋ hui yon₋ ve yo₋.
(Hkui⁻ 18:25, 1Sm 2:10, Chi^ˇ 50:6, Isy 26:19, Dyl 12:2-3, Mt 25:31-46, Mk 9:43-48, Lk 16:19-31, 20:27-38, Yh 3:16-18, 5:25-29, 11:21-27, Tc 17:30-31, Rm 2:1-16, 14:7-12, 1K 15:12-58, 2K 5:10, 2Hte^ˇ 1:5-10, Hpeu_^ 20:11-15, 22:1-15)